

生神品第十九

大慈大悲普濟真人以業報因緣請問太上  
爾時太上道君曰吾以道炁開張天地剖判  
陰陽運化因緣生成萬物分神布炁養育人  
民從始至終經營生死念念不停食以元和  
汝等凡夫誰能識之吾今為汝剖析因緣欲  
使當來悟其元起人始受身皆從虛無自然  
中來回黃轉白構氣凝精而元父生神玄母  
成形承天順地合化陰陽兩半因緣稟其骨  
肉莫不資其音業會遇今緣取像乾坤含懷  
日月陰陽變化神識往來萬化之中人最為  
貴故始入胎中三炁潛凝九天冥運一月為  
胞孳單無量天炁下浹身中二月為胎上上  
禪喜無量壽天炁下浹身中三月覓具梵監  
須延天炁下浹身中四月覓成寂然兜術天  
炁下浹身中五月生臟液羅尼容不驕樂天  
炁下浹身中六月化腑洞玄化應聲天炁下  
浹身中七月明竅靈化梵輔天炁下浹身中  
八月景附高虛清明天炁下浹身中九月神

降無想無結無愛天炁下浹身中天神一萬  
八千身神一萬八千內外相合三萬六千神  
一時生神金樓玉閣紫戶青門分靈布化而  
繞身中表裏相應聲高神具十月而生人在  
胞胎之中三元養育九炁布化晝夜不停轉  
變昔神受頂令身始在胞中悉知前生善惡  
因緣稟生所由及食穢濁稍自忘之頭圓象  
天足方象地左眼為目右眼為月髮為星辰  
眉為華蓋鼻為天門口為地戶耳為天窻頂  
為崑崙項為天柱五臟為五嶽四肢為四海  
皮膚骨節血脉關機法天象地合陰吐陽生  
神布化各有司存腦為泥丸太一帝君心為  
絳宮司命受生肝為青宮無英制魂肺為素  
宮白元管鬼臂為玄宮桃康納精脾為黃庭  
黃帝化靈少陽炁化木精歲星納化身中為  
肝三魂處之上出於目侍衛九人鎮守九千  
神肝有七葉主其毛髮髮衛皮膚太陽氣愛  
火精愛感納化身中為心火神居之上出為  
舌侍衛三人鎮守三千神心有三葉七孔三  
毛狀若蓮華主其神氣煖溫榮衛百神少陰

炁化金精太白納化身中為肺七鬼主之上  
出於鼻侍衛七人鎮守七千神肺有八葉主  
其牙齒管護筋骨太陰氣化水精辰星納化  
身中為腎左有玉童右有玉女精化之處上  
出於耳侍衛五人鎮守五千神腎有其二如  
半月狀主其精液管護血髓元黃氣化主精  
鎮星納化身中為脾意志所出上出於口侍  
衛十二人鎮守萬二千神脾長五寸主其肌  
肉管護四肢周流百體而生百神各有名字  
出入諸天變化不測往返塵俗人能知之即  
得長生行坐誦憶管護身形消除萬禍制伏  
百精髮神玄光頂神通天頂前神朱陽頂後  
神玄冥頂左神青光頂右神白章額神天庭  
左眉神翠童右眉神羽童左眼神日光右眼  
神月光左額神玉闕右額神玉梁左鼻神通  
陽右鼻神通陰口左神命童口右神天根齒  
神玉關左牙神天鐘右牙神天磬舌神赤童  
上層神亭蓋下層神靜輿左頤神黃父右頤  
神黃母項左神天通項右神昇平左肩神遠  
山右肩神遠安左肘神飛龍右肘神伏虎左

手神天丁右手神天騶左指神甲卒右指神  
 禦兇左腋神扶干右腋神扶刀左肋神衛邊  
 右肋神防非腰左神洞開腰右神搖亭左股  
 神玄獄右股神玄山左膝神轉生右膝神曲  
 亭左脛神天柱右脛神天關左脚神輪空右  
 脚神運虛左蹠神幽狐右蹠神伏狼曾神天  
 田腹神包靈陰神幾關尻神幽關背神紫房  
 脊神通平臍神中平皮神包羅肉神衛非骨  
 神內丁各長七寸如赤子狀在人身中納氣  
 成神榮衛流通運化自然與天地合德出入  
 人身奏善報惡日夜不停夫人不生則無已  
 生則備天地之象合陰吐陽懸命由天與  
 其算四萬三千二百日凡一百二十年算主  
 一日記在諸天吾常勅諸天帝命召五帝三  
 界四司南斗北斗十天將軍九土使者七神  
 童子八部天神一切神靈遊行人間檢較罪  
 福男女吉凶又遣上聖高尊妙行真人天仙  
 飛仙神仙地仙五嶽四瀆日月星辰三官九  
 府二萬四千靈司建節持幡飛空步虛執符  
 把籙鼓勘巡行三日一言七日一奏百日一

結不輟須臾若修善力者諸天童子司命司  
 錄即為延年消災散禍衣食豐盈若造罪積  
 惡者則諸天帝主使六天魔王捉下竟鬼上  
 詣三官若不滿算紀者皆是造罪所致終其  
 算紀者積善所臻也故人欲終亡之時皆是  
 地司上奏諸天諸天按察依其部籍定其死  
 名勅下三界官屬四司五帝收其竟鬼絕其  
 生氣矣凡人有疾病刑厄凶禍官災牢獄水  
 火刀兵種種苦惱皆是冥司考罰當此之時  
 能廣建福田修齋持戒誦經行道燒香散華  
 講讀禮懺布施發心放贖生命救濟貧窮拔  
 度危厄寫經造像受戒懺悔禮謝十方先造  
 救苦天尊及度厄靈幡保命靈幡延壽靈幡  
 續命靈幡樓災靈幡抄寫此經晝夜念誦首  
 謝諸天三日七日乃至百日捨家資財寶貨  
 田宅僮僕綾羅上妙錦綺車馬珍玩名衣上  
 服器具幡帳種種布施跪對諸天首謝所犯  
 三官則放其竟鬼延年益算使得更生若天  
 命將終天算將盡不可救拔捨身太陰臨終  
 之時為其發願懺悔捨施衣服卧具所有資

財受戒懺悔最得功德不可思議即從初七  
 至七日以來造經造像設齋行道禮誦懺悔  
 燒香燃燈放生贖命濟度貧窮晝夜相繼開  
 度亡人克得生天所以若何夫人欲亡乃至  
 七日以來諸天童子四司五帝三界官屬將  
 來監臨按檢罪福列奏天官吾遣七神童子  
 復來檢行定其善惡配注生門善即生天福  
 流子孫使見在安樂無怖無畏家宅清淨所  
 為皆吉惡即受罪殃流生人死亡疾病坎珂  
 官災口舌種種恐怖感亂生人凡所施為皆  
 悉不利是故七日之內開度最急過是之後  
 每至七日是其童子領錄亡人竟鬼來到家  
 中察行罪福七七之後五天將軍下攝其竟  
 九土使者來取其竟將軍欲其生天使者欲  
 其入地五日一下較量罪福福多者則生天  
 堂罪多者則入地獄凡善惡兩神十日下午  
 考較善惡定其罪福是故亡人從初亡一七  
 二七乃至七七百日家中親眷當須開度令  
 生善處得見安樂作此功德最為第一即初  
 亡一七造救苦天尊一身寫此經一部造靈



力不經地獄即得受生於賢善之門又有女子身亡家中父母眷屬造像造經作齋華蓋廣燃燈燭轉誦此經建齋行道夜後觀想晝夜不倦布施放生救貧度厄燒香散華一百年中吾遣司命返其鬼神復還家中大建功德供養三寶咨求道士請受真經壽得三百年吾遣化命真人下度風火鍊形返為男子身入金華山中服御仙丹七萬餘年今得昇為西靈宮中為無上法師矣

太上洞玄靈寶業報因緣經卷之八

太上洞玄靈寶業報因緣經卷之九

弘教品第二十

大慈大悲普濟真人曰

天尊所說罪福因緣善巧方便開度眾生甚深微妙不可思議然地獄窮鬼苦毒無量楚痛難堪雖蒙救拔復慮沉淪萬劫幸酸痛惱何極伏願

天尊慈悲廣洽更開要道使早遷昇過去未來俱霽利益為諸男女歷劫橋梁

爾時太上道君曰吾為汝等一切眾生所說

因緣示其罪福欲令天下識宿命根大設法門引諸男女隨其業力使出幽牢生死階梯漸頓咸盡汝今復欲簡要速得遷昇汝等男女各宜諦聽凝靜身心受其妙道人之稟生同資一氣及乎誕育係命三元壽夭吉凶富貴貧賤因緣罪福善惡死生各逐宿根悉有報對隨其業力來不差移如影逐形似聲應響三元者謂上中下也一者上元正月十五日天官主錄二者中元七月十五日地官主錄三者下元十月十五日水官主錄與三界

十方諸天上聖妙行真人玉童玉女五帝四司善惡童子一切神靈無數眾俱會玄都元陽宮中

元始之前考較男女生死錄籍罪福因緣及九幽地獄木府窮鬼悉來校誠善惡今分此

時若有善男子善女人能發自然道意採諸華果名衣上服百寶珍奇玩弄具諸香雜藥清淨飲食及上妙羅綺錦繡紋縵眾綵諸色造玄都大獻種種裝嚴一層兩層乃至百層千層作玄都玉京五嶽名山樓閣臺榭堂

殿形像妙麗精飾或千或萬以用供養散華燒香行道誦誦燃燈放生歌誦讚歎布施發願悔過求哀禮拜滅罪晝夜不懈我遣十天真人并諸天帝飛天神王三界四司玉童玉女無量數眾飛空步虛持幢建節把錄執符

齊到道場為其滅罪保護人民使國土安寧男女歡泰眾善齊降諸惡不生地獄苦鬼一時解脫克生天上快樂無為率土太平獲福無量

道君曰吾昔從元始天尊赤明元年七月十